

Peratoeran Oendang-Oendang
ZEGEL WET BAROE

TERISI ROEPA-ROEPA:

*Tarief Handelszegel (zegel dagang),
Plakzegel (zegel boeat kwitantie),
Huurzegel (zegel sewa) jang
diterangkan dengan
satjoekoepnja.*

*Brikoet tambahan Tarief Padjek dari
Gemeentelijke Inkomstenbelasting
taon 1923.*



Terpake boeat sakalian orang dagang
sagala bangsa di
HINDIA NEDERLAND.

TJITAKAN JANG KADOEA.

Disalin kadalem bahasa Melajoe rendah
hoeroef Olanda.


Tertjitat dan tidjoel oleh:

KANTOOR TJITAK GOAN HONG & Co.
TJIONG KOEN LIONG
BATAVIA.

500 - 4 - 23.

— 1923. —

Prijs f 1.—



Peratoeran Oendang-Oendang

ZEGEL WET BAROE

TERISI ROEPA-ROEPA:

*Jarief Handelszegel (zegel dagang),
Plakzegel (zegel boeat kwitantie),
Huurzegel (zegel sewa) jang
diterangkan dengan
satjoekoepnja.*

*Brikoet tambahan Jarief Padjek dari
Gemeenteijke Inkomstenbelasting
taon 1923.*



Terpake boeat sakalian orang dagang
sagala bangsa di
HINDIA NEDERLAND.

TJITAKAN JANG KADOEAE.

Disalin kadalem bahasa Melajoe rendah
hoeroef Olanda.


Tertjitak dan didjoel oleh:
KANTOOR TJITAK GOAN HONG & Co.
TJIONG KOEN LIONG
BATAVIA.
— 1923. —

REBEL WIT BARRE

PEROBAHAN

Atas oendang-oendang beja zegel

Aken berlakoe pada 1 hari boelan November



PEMBERI TAHOEAN.

Pada 1 November jang aken dateng verordening zegel aken berlakoe. Tentoe sadja boeat banjak orang penting sekali aken mengetahoei itoe, terlebi poela jang sringkali tersangkoet dengan itoe oeroesan.

Berhoeboeng dengan itoe djoegalah kita oewar-ken pada pematja tarief-tarief jang dibrikoetken di bawa ini.

Kita moelai dengan A, tarief dari bea zegel boeat kwitantie dan soerat dagang (handelspapier).

1. boeat kwitantie dan afschriften dari itoe, di atas f 10.— djoemblanja bea zegel f 0.15. Kwitantie dari f 10.— atawa sekoerangnja dari itoe djoega kena itoe bea, bila itoe djoembla ada penjitjilan dari sadjoembla jang lebi besar.

Kwitantie-kwitantie boeat penjitjilan sewa atawa penjitjilan gadji dari f 10.— dan sekoerangnja dari itoe djoembla terbebas dari zegel.

2. Diploma-diploma dari lid-maatschap (tanda mendjadi lid dari soeatoe koempoelan) dan sebagianja kena bea f 0.15, bila itoe diploma dibriken boeat membajar contributie lebi dari f 10.—

3. Semoea bewijs (boekti) perloenasan di rekening courant atawa djoega deposito rekening, (kattjoeli perloenasan dengan djalan giro) dan semoea bewijs-bewijs storting (bewijs soeda masoeken) atawa ontvangst (penerimaän) oewang (termasoek djoega oewang asing, cheques, postwissel, coupons enz.) kena bea f 0.15.

4. Boeat pengakoean memindjem atawa perdjandjian oetang jang dibikin pada Peroesahan memindjemken oetang (philantropische crediet instelling) atawa volkscredietinstelling, jang malainken membri crediet pada pendoedoek Boemipoetra, djika tiada mengenakan djoembla lebi dari f 300.— kena bea f 0.15.

Djikaloe itoe mengenakan pada djoembla f 10.— atawa koerang, soerat pengakoean itoe terbebas dari bea zegel.

6. Wissel jang tiada lama temponja (jaitoe korte wissel), assignaties, cheques dan laen soerat perniagaan (handelspapier) jang bisa dibajar dengan *zicht* atawa *op vertoon* atawa paling laat tiga hari sesoedanja *zicht* atawa djoega delapan hari sesoedanja dikaloearken, kena bea f 0.15

7. Wissel jang temponja lama, accepten, assignatie dan laen handelspapier semoea kena bea menoeroet besarnja $\frac{1}{2}$ per sariboe.

Duplicaat dan triplicaatnja wissel jang temponja lama terbebas dari bea zegel, bila sadja diseraken dengan ketrangan, „Het evenredig zegelrecht is op den..... (prima atawa jang sedjati) wissel behoorlijk voldaan”, mengertinja „Bea zegel jang haroes dibajar, di tanggal..... di wisselnja jang sedjati soeda diloenasken; ketrangan mana haroes diadaken doeloean di atasnja tanda tangan jang mengeloearken wissel (trekker) sedeng pada wissel loear negri di atasnja tanda tangan jang menerima.

Pada wissel loear negri bea zegel bisa di loenasken di sala satoe exemplaren, tiada perdoeli jang mana.

Semoea korte dan lange wissel dan laen soerat dagang, jang dibikin diloear negri, misti di loenasken bea zegelnja, sablonnja bisa didagangkan, ditrima, diviseord di endoseerd (pindaken pada laen orang) diteeken boeat aval, betaald, diloenasken, atawa seblonnja dibikin kebratan nonacceptatie (tiada trima) atawa non betaling (tiada bajar).

Pembayaran ongkos zegel itoe bisa dilakoeken di sala satoe kantoor post, sekalian djoega itoe perloenasan bea zegel bisa dilakoeken dengan teeken melintasi atas zegel pada waktoe trima, endossement, atawa meloenasken.

Tjaranja membajar ongkos zegel.

Bea itoe bisa diloenasken dengan memake papier jang soeda dizegel atawa plakzegel.

Pake kertas zegel sekalian dengan zegel, dan memake lebi dari satoe zegel di idjinken.

Djika memake zegel, orang jang memboeboehi tanda tangannja atawa stempel nama haroes lakoen itoe melintasi plakzegel. Bila orang memake lebi dari satoe zegel, maka orang haroes taro tanda tangan itoe melintasi semoea plakzegel, dengan demikian, tanda tangan itoe tjoema boleh satoe kali tertoeelis di atas plakzegel itoe.

Sasoeatoe plakzegel haroes di pakeken tanggal.

Kwitantie-kwitantie, tanda-tanda perloenasan oetang, masoeken oewang (storting), atawa penarimaän oewang (ontvangst), tanda djadi lid dari satoe koempoelan dan sebaginja dan laen-laen saldo biljetten kena bea zegel, maski djoega marika tiada diboeboehi tanda tangan.

Boeat samentara waktue aken didjoeal zegel saharga f 0.05, soepaja orang-orang jang mempoenjai kwitantie formulier dengan tertjita zegel f 0.10 bisa pake teroes itoe kwitantie formulier.

Tapi itoe formulier-formulier poen bisa ditambaken tjita onkos zegelnja pada pengeroes dari post- en zegel waarden oleh perantaraännja kantoor post.

B. Tarief zegel boeat oeroesan sewa.

Bea dikenaken 1 per sariboe atas harga sewa boeat saänteronja waktue menjewa.

Bea bisa dibajar dengan memake kertas zegel jang dikaloearken oleh Negri, dengan memake ker-

tas loear biasa jang distempel atawa djoega plakzegel.

Pemakean kertas zegel dan plakzegel. sekalian pemakean lebi dari satoe zegel di idjinken.

Jang menjewa, atawa jang menjewaken, jang pertama kali menaro tanda tangannja, haroes memboeboehi itoe melintasi plakzegel. Bila dipake lebi dari satoe zegel tanda tangan haroes diboeboehi melintasi semoea plakzegels.

Sasoeatoe zegel haroes disertaken dengan tanggal.

Taon-taon jang ditentoeken oleh jang menjewa atawa menjewaken diperhatiken.

Pada penjewahan sehingga dibrentiken dan pada penjewahan boeat saemoer hidoep bea di-itoeng atas lamanja sepoeloe taon.

Pada penjewahan boeat lamanja tiada tentoe bea di-itoeng atas doea poeloe taon penjewahan.

Pada penjewahan boeat sekean taon jang tetep dan lebi djaoe sampe dibrentiken bea di-itoeng boeat sekean taon jang tentoe, tamba sepoeloe taon.

Pada penjewahan boeat sadjoembla taon jang tentoe, djika kematian bea teritoeng atas taon itoe, tamba sapoeloe taon.

Tjonto peritoengan.

Sewa boeat lima taon tetep, berdjalan teroes djika tiada dibrentiken.

Bea di-itoeng boeat 15 taon, Bila harga sewa f 100.— djadi orang haroes membajar bea boeat

djoembla $15 \times 12 \times f 100. = f 18.000$ — á 1 per sariboe = f 18.—

Bila penjewa pikoel itoe ongkos, jang tiada ditentoeken ia jang misti pikoel itoe (saoepamanja pembajaran verpondingsbelasting atas perceel jang di sewa), itoe pertanggoengan ongkos misti dibikinken begrooting dan djoembla itoe, dikaliken dengan djoembla sewa taonan haroes ditambaken pada harga sewa.

Salinannja (dubbelen) dari akte sewa di bawah tangan terbebas dari bea zegel, bila sadja dalem tiga boelan (selaat-laatanja dalem saboelan sesoedanja penjewahan moelai) kadoea exemplaren dari itoe akte dioendjoek pada kantoor post.

Soerat sewa jang dibikin di loear negri dari barang-barang tetep jang letaknja di ini negri, haroes di zegel kombali, dengan antjeman ilang kekoeatannja boeki, hal mana misti dilakoeken di sala satoe kantoor post dalem ampat boelan sasoedanja dibikin akte itoe.

C. Tarief dari zegel dagang.

Bea dikenakan 1 per sariboe boeat pembeli dan demikian djoega boeat pendjoel.

Di peroesahan effect dikenakan bea zegel semoea sluitnota-nota dari pembelian atawa pendjoelan oleh makelaar, commissionairs, bank-bank, dan laen-laen orang jang dapet pengidoepan dari paroeshan effect.

Sluitnota's dari claim (penggantian) tiada kena bea.

Dalem peroesahan hasil boemi dikenakan bea sluitbriven tentang pemblian atawa pendjoealan sampe sadjoembla f 4000.— atawa lebi dari pada itoe dari hasil boemi sala satoe atawa laen jang diseboetken di bawah ini: boengkil, cacao, coprah, damar, bidji djarak, bidji pala, katjang tana, koelit, indigo, kapoek, bidji kapoek, kaen, kopi, pala, minjak jang terdapat dari pepoehoenan, oliekoek, lada, bidji pinang, rottan, karet, beras, goela, tembako, sagoe tapioca, dan tapioca kering (gaplek) thee, tima, dan samboek-samboek boeat seharga f 4000.— atawa lebi.

Samoea pemblian atawa pendjoealan dari satoe matjem hasil boemi antara orang-orang itoe djoega dalem tempo ampatblas hari didjadiken satoe, bila tiada laen-laen makelaar mendjadi perantaännja. Djoega nota, serta soerat jang terkirim ka loear negri dikenakan bea.

Katerangan lebih djaoe atas kawadjiban makelaar commissionair, soedagar dan particulier.

A. Dalem peroesahan effect.

Sasoeatoe makelaar, commissionair atawa laen orang jang bikin djadi pakerdjaännja djoéal-bli effect wadjib pada sesoeatoe djoéal-bli mengeloearken sluitnota dalem tiga hari.

Terbebas sluitnota's antara makelaar dan commissionair, bank-bank dan laen orang jang bikin

sebagai pakerdjaännja perkara djoel-bli effect, dan menoekear itoe satoe sama laen.

Pada djoel-bli di beurs loear negri nota itoe haroes dikaloearken dalem tiga boelan.

Sluinota's haroes dimasoeken dalem register jang ditandaken oleh Negri, jang lembarannja ada di pakeken nummer.

B. Dalem peroesahan hasil boemi.

Sesoeatoe makelaar ada diwadajiban dalem ampatblas hari sasoedanja bikin djoel-bli saharga f 4000.— dan lebi dari pada itoe kaloearken satoe sluitbrief pada pendjoel dan pembli. Djika pada djoel-bli itoe tersangkoet doea makelaar jang beroesaha di ini negri, maka masing-masing mrika berwadajib pada toeannja membriken sluitbrief tentang itoe.

Bila djoel-bli itoe terdjadi boekan dengan perantaraännja makelaar, maka pembeli dan pendjoel diwadajibken dalem ampat-blas hari pada partij sebaliknja dengan soerat zegel atawa nota meneapkan itoe djoel-bli, atawa djoega bila terdjadi di bawah tangan, akte jang dibikin doea lembar atawa boleh djoega tetepken itoe djoel-bli dengan akte notaris.

Di bebasken.

1. Soerat-soerat jang dikirim pada producent (jang mengeloearken hasil) boeat hasil jang dibli boeat atawa olehnja.

2. Duplicaten dan laen-laen soerat, jang dibikin, sesoedanja dibikin soerat terzegel atawa sluitnota.

Makelaar dan soedagar jang bikin djoel-bli seperti pekerdjahannja, haroes masoeken itoe sluit-brief, nota, dan akte, dalem register jang di pakeken tanda oleh negri jang lembarannja disertaken nummer.

Bagian sebla kanan dari handelszegel ditempelken di sluitsbriven dan nota, sedeng sebla kirinja haroes dilengketken di register.

Pemakean tanda toelen (waarmerking) itoe dilakoeken oleh Inspecteur van Financien atawa di residentie, di mana tiada ada Inspecteur van financien oleh resident.

Di kadoea bagian dari handelszegel haroes tanggalnja di wartaken.

Tapi orang tiada diwadjibken memboenoehi tanda-tanda tangan melintasi itoe zegel.

D. Poliszegel.

Polis-polis dari verzekeringen (pertanggoengan, assurantie) ada dikenaken tarief bea zegel jang loear biasa.

Polis-polis jang dibikin di loear negri haroes dipakeken zegel, seblonnja di ini negri itoe polis diserahkan, atawa seblonnja pembajaran premie jang kasatoe di ini negri terdjadi.

E. Bea zegel di aandeel-aandeel kapitaal kongsie.

Bea $1\frac{1}{2}$ pCt, dikenaken di bagian poko (aandeelen kapitaal) jang dimasoeken dari kongsie-

kongsie (naamlööze vennootschappen) dan laen-laen peroesahan, jang poko seanteronja atawa sabagian terbagi-bagi dalem aandeel-aandeel.

Pada sasoeatoe kali aandeel dikaloearken atawa dimasoekeu (stort) itoe, sedari 1 November jang aken dateng haroes dibri taoe pada Inspecteur van financien.

F. Tarief-tarief boeat zegel kwitantie, zegel sewa, dan boeat handelszegel, nanti didjoel di kantor-kantor post boeat 10 cent.

Semoea soerat-soerat jang soeda terzegel me-noeroet ordonnantie zegel jang doeloe tiada oesa dizegel dari baroe. Djika itoe soerat-soerat dengan tiada pantes tiada dipakeken zegel, sebelonja 1 Mei 1922 bea jang tiada dibajar masi bisa dibajar zonder kena denda dengan soeroe pakeken zegel di itoe soerat oleh kantor post.

N. B.


Pada lain lembaran dalem ini boekoe, kita ada kasi ketrangan lagi jang lebi sampoerna, dengan dipisah-pisahkan sendirian, tarief-tarief dari Handelszegel, Plakzegel dan Huurzegel.

Dengen begitoe pembatjanja bisa djadi lebi faham boenjinja itoe „Oendang-oendang perobahan” jang soeda ditjatak didepan ini.

TARIEF DARI ZEGEL DAGANG.

(HANDELSZEGEL)

Moelain berlakoe pada 1 hari boelan November 1921



| Dari | 0 sampe | 100 roepiah, zegelnja | f 0.10 |
|-------------|---------|--|--------|
| Diatas dari | 100 | 200 | 0.20 |
| " | 200 | 300 | 0.30 |
| " | 300 | 400 | 0.40 |
| " | 400 | 500 | 0.50 |
| " | 500 | 1000 | 1.— |
| " | 1000 | 1500 | 1.50 |
| " | 1500 | 2000 | 2.— |
| " | 2000 | 2500 | 2.50 |
| " | 2500 | 3000 | 3.— |
| " | 3000 | 3500 | 3.50 |
| " | 3500 | 4000 | 4.— |
| " | 4000 | 4500 | 4.50 |
| " | 4500 | 5000 | 5.— |
| " | 5000 | 1 ⁰ / ₁₀ dengan didjangkepin ka atas djadi antero Rp. | |

Dalem kalangan dagang soerat-soerat berharga (effecten), semoea contract djoeal atawa beli, jang dikaloearken oleh makelaar atawa commissionair, moesti kena ini bea zegel. Tapi contract oeroesan claims, tida kena ini bea.

Di kalangan dagang barang hasil boemi (producten), dikenaken ini bea zegel dari soerat-soerat contract mendjoeal atawa membeli barang hasil

boemi, seperti: boengkil, tjoklat, copra, damar, bidji djarak, katjang tanah, koelit-koelit binatang, nilah. kapoek dan bidji kapoek, kapas, kopie, kembang pala dan bidji pala, minjak dari tetaneman, lada, pinang, rotan, karet, beras, goela, tembako, tepoeng tapioca dan tapioca kering, thee, tima, ampas minjak dan samboek, jang djoemblanja dari f 4000 ka atas.

Semoea pembelian atawa pendjoealan dari satoe roepa barang hasil boemi jang terdjadi antara orang-orang itoe djoega, dalem ampatbelas hari moesti dikoempoelken djadi satoe djoembla, katioeali kaloe ada bebrapa makelaar jang membriken perantaraännja.

Katerangan lebi djaoe, preksalah *Zegelverordening 1921*, jang kita soeda salin di sebla depan. Dalem ini *Oendang-oendang Zegel* orang bisa dapet taoe apa jang wadjib dan moesti, berhoeboeng dengen atoeran bea zegel.

Katerangan tentang kawadajibannja makelaar-makelaar, commissionair, soedagar-soedagar dan orang-orang perticulier.

A. Dalem kalangan dagang soerat-soerat berharga:

Sasoeatoe makelaar, kommissionair, atawa laen orang jang lakoeken pakerdjaännja dari itoe perdagangan menerima atawa mengaloearken effecten (soerat-soerat berharga), ada diwadjibken mengaloearken satoe soerat contract jang memake zegel

boeat sasoeatoe pembelian atawa pendjoealannja, di dalem tempo tiga hari.

Jang terbebas dari bea zegel, jaitoe soerat-soerat contract jang dibikin saling toekar antara makelaar, commissionair, bank-bank dan laen-laen orang jang memang biasa melakoeken itoe perniagaan.

Pembelian atawa pendjoealan pada beurs-beurs di loear negri, itoe soerat contract moesti dika-loearken dalem tempo tiga boelan.

Atoeran boeat kaloearken effecten, lebi djaoe preksalah di fatsal 109 ayat 2, dan fatsal 115 No. 2 dari Oendang-oendang.

Soerat-soerat contract moesti dikasi masoek malem satoe boekoe daftar jang di lembaran-lembarannja ada memake nomor dan dipertandaken oleh kantoer Negri.

B. Dalem kalangan dagang barang-barang hatsil boemi.

Sasoeatoe makelaar ada diwadjibken, jang dalem ampatbelas hari sasoeandja dibikin pembelian atawa pendjoealan boeat f 4000 atawa lebi, aken mengasi soerat contract pada pembeli atawa pendjoealnja. Djika dalem itoe pendjoealan atawa pembelian ada tersangkoet pada doea makelaar *jang sama-sama ada berdiam di ini negri*, maka masing-masing dari marika itoe ada mempoenjai kawadjiban aken mengasi satoe soerat contract pada pembeli atawa pendjoealnja.

Tapi kaloe djoeal-beli itoe soeda terdjadi dengan zonder perantaraännja satoe makelaar, maka orang jang membeli atawa mendjoeal, masing-masing ada mempoenjai kawadjiban: jang dalem tempo ampatbelas hari aken membri pada kadoea fihak, satoe soerat atawa nota jang pake zegel, boeat menetepken itoe perdjandjian: atawa boeat terangken itoe perdjandjian dengan satoe soerat di bawah tangan jang dibikin doea lembar, atawa poen dengan soerat notaris.

Jang terbebas dari zegel dagang:

1. Soerat-soerat jang diperantiken boeat producent (orang jang bikin itoe barang), dari barang-barang hasil boemi jang telah terdjoeal; asal sadja boeat hal itoe ada tjoekoop katerangan dan ternjata dari itoe soerat.

2. Soerat-soerat duplicaat atawa laen-laen, soerat, jang terbikin pada sasoedanja satoe soerat contract jang pake zegel dikaloearken, asal sadja boeat hal itoe ada tjoekoop katerangan dan ternjata dari itoe soerat.

Makelaar-makelaar dan soedagar-soedagar jang biasa lakoeken pakerdjahan djoeal-beli barang hasil boemi, moesti kasi masoek soerat-soerat contract di dalem satoe register jang di lembaran-lembarannya ada memake nomor, dan dipertandakan oleh kantoer Negri.

Tentang pertindakennja itoe register-register nanti dilakoeken oleh Inspecteur van Financiën,

atawa: kaloe di tempat-tempat jang tida ada ditempatken Inspecteur terseboet, boeat mempertandaken itoe nanti dilakoeken oleh Resident.

Bagian sebla kanan dari zegel moesti ditempel di atas soerat contract, sedeng bagian jang sebla kiri di dalem register.

Djoega ada di-idjinken memake lebi dari satoe zegel dagang.

Boeat soerat-soerat jang tida oesah dikasi ma-soek dalem register, itoe zegel saanteronja haroes ditempel di atas soerat.

Pada zegel jang tertempel itoe, haroes ditoelissen hari boelannja; tapi tida oesah memboeboehi tanda tangan sampe melintasi itoe zegel.



TARIEF BEA ZEGEL BOEAT KWITANTIE DAN SOERAT- SOERAT DADANG. (PLAKZEGEL)

Moelain berlakoe pada 1 hari boelan November 1921.

1. Boeat kwitantie-kwitantie jang di atas dari f 10.— bea zegelnja f 0.15. Djoega kwitantie-kwitantie jang besarnja f 10.— atawa koerang, djoega moesti kena ini bea, kaloe sadja itoe pembajaran ada mendjadi satoe penjitjilan atawa pembajaran mindering dari satoe djoembla oewang jang lebi besar. Tapi boeat kwitantie-kwitantie penjitjilan sewa, gadji, jang besarnja tjoema f 10.— atawa koerang, terbebas dari ini bea zegel.

2. Soerat-soerat diploma dari lidmaatschap, atawa laen-laen soerat jang ampir begitoe djoega, moesti kena bea zegel f 0.15, apabila itoe diploma ada dikaloearken boeat pembajaran controbutie jang djoemblanja lebi dari f 10.—.

3. Semoea soerat katerangan dari crediet dalem rekening courant atawa deposito rekening, — salaennja crediet dengan perteloengannja giro —; djoega sagala soerat-soerat katerangan dari penitipan oewang (masoek djoega teritoeng oewang negri asing, cheque, postwissel, coupons dan laen-laen sabaginja), moesti kena bea zegel f 0.15.

4. Saldobiljetten dari satoe rekening courant jang ditoetoeq antara mana ada masoek teritoeng

djoega afschrift-afschrift dari rekening courant demikian, moesti kena bea zegel f 0.15

5. Boeat soerat-soerat pindjeman oewang atawa crediet, jang dibikin pada credietbank amal dan jang telah ditentoeken goena itoe oeroesan atawa pada volkscredietbank jang pakerdjahannja membri crediet, teroetama boeat di dalem satoe gemeente Boemipoetra sadja, kaloe tida melebiken dari djoembla jang lebi besar dari f 300.—, moesti kena bea zegel f 0.15

Boeat djoembla-djoembla dari f 10.— atawa koerang, ada terbebas dari ini bea.

6. Wissel-wissel jang temponja pendek, assignaties, cheques dan laen-laen soerat dagang jang dibajar pada waktoe dikasi liat atawa dioendjoeki, jang paling laatnja tiga hari sasoedanja diliat atawa delapan hari sadari tanggal dikaloearkennja, moesti kena bea zegel f 0.15

7. Wissel-wissel jang temponja pandjang, acceptatie-acceptatie, assignaties dan laen-laen soerat dagang, moesti kena bea zegel menoeroet im-bangan $\frac{1}{2}$ ‰,— lebi djaoe liatlah tariefnja jang tertoeelis di bagian sebla bawah.

Lembaran kadoea dari wissel-wissel pandjang ada terbebas dari bea zegel, asal sadja ada disertaken pernyataan: „*Het evenredig zegelrechts is op den (prima of oorspronkelijken) wissel behoortlijk voldaan*”. — Artinja: „*Bea zegelnja soeda ditjoekoepi betoel di wissel tanggal (jang kasatoe atawa jang aseli)*. Pernyatahan begitoe

haroes diboeboehi tanda tangan oleh orang jang menarik wissel (boeat oeroesan wissel-wissel laen negri itoe perkatahan moesti ada di sebla atas dari tanda tangannja acceptant atawa endossant).

Wissel wissel pendek atawa pandjang, dan laen-laen soerat dagang jang terbikin di laen negri, moesti dipakeken zegel di ini negri, pada sabelonnja dilakoeken, diaccepteer, diviseer, diendosseer, diteekend voor aval, dibajar dan dikwiteer, atawa pada sabelonnja dibikin protest lantaran tida ditrima baek atawa tida dibajar (protest van non-acceptatie of non-betaling).

Tentang menjegel atawa penjegelan *bisa kadjadian* di kantor-kantor post, djoega penjegelan begitoe bisa kadjadian dengan diteekend di atas plakzegel dari itoe acceptatie, endossement atawa kwitantie-kwitantie.

Boeat lakoeken pembayaran loenas bea.

Bea itoe boleh dibajar loenas dengan memake kertas zegel atawa plakzegel-plakzegel.

Djikaloe pake plakzegel, orang jang pertandaken tangan moesti boeboehi tanda tangannja melintasi itoe plakzegel. Tapi kaloe ada dipake lebi dari satoe plakzegel, tanda tangan itoe poen *moesti tergoerat di saäntero* dari itoe plakzegel-plakzegel. Tanda tangan itoe tjoema *satoe* sadja di atas itoe soerat.

Sasoeatoe plakzegel moesti ada disertaken hari boelannja.

Sagala kwitantie-kwitantie, soerat-soerat kate-
rangan crediet, penitipan atawa roepa-roepa pene-
rimahan oewang, diploma-diploma dari lidmaat-
schap dan laen-laen soerat demikian, atawa saldo-
biljetten, ada diwadjabken memake zegel, maski-
poen soerat-soerat itoe tida diboeboehi tanda
tangan.

Imbangannja bea zegel boeat wissel-wissel pan-
djang dan laen-laen soerat, ada terseboet seperti
tarief jang berikoet di bawah ini:

| | | | |
|---------------|--------|----------------|---------------------------|
| Dibawa dari f | 300.- | bea zegelnja f | 0.15 |
| Diatas | 300.- | same f | 400.- bea zegelnja f 0.20 |
| " | 400.- | " | 500.- " " " 0.25 |
| " | 500.- | " | 1000.- " " " 0.50 |
| " | 1000.- | " | 1500.- " " " 0.75 |
| " | 1500.- | " | 2000.- " " " 1.— |
| " | 2000.- | " | 2500.- " " " 1.25 |
| " | 2500.- | " | 3000.- " " " 1.50 |
| " | 3000.- | " | 3500.- " " " 1.75 |
| " | 3500.- | " | 4000.- " " " 2.— |
| " | 4000.- | " | 4500.- " " " 2.25 |
| " | 4500.- | " | 5000.- " " " 2.50 |
| " | 5000.- | " | 5500.- " " " 2.75 |
| " | 5500.- | " | 6000.- " " " 3.— |
| " | 6000.- | " | 6500.- " " " 3.25 |
| " | 6500.- | " | 7000.- " " " 3.50 |
| " | 7000.- | " | 7500.- " " " 3.75 |
| " | 7500.- | " | 8000.- " " " 4.— |
| " | 8000.- | " | 8500.- " " " 4.25 |

| | | | | | | | | | |
|--------|---|---|----------|-------|--|--------------|---|------|------|
| Diatas | „ | f | 8500.- | samef | 9000.- | bea zegelnja | f | 4.50 | |
| „ | „ | „ | 9000.- | „ | „ | 9500.- | „ | „ | 0.75 |
| „ | „ | „ | 9500.- | „ | „ | 10.000.- | „ | „ | 5.— |
| „ | „ | „ | 10.000.- | „ | $\frac{1}{2}$ ‰ dengan didjanglepin ka atas djadi satenga roepiahan. | | | | |



TARIEF DARI ZEGEL SEWA (HUURZEGEL).

Moelain berlakoe pada 1 hari boelan November 1921.

Sewaän boeat selamanja, diambil djadi satoe.

Zegel jang moesti pake.

| | | |
|-----------------|---------------|---|
| Tida lebi dari: | f 500.— | f 0.50 |
| Lebi dari | f 500.— sampe | „ 1000.— „ 1.— |
| „ „ | „ 1000.— „ | „ 1500.— „ 1.50 |
| „ „ | „ 1500.— „ | „ 2000.— „ 2.— |
| „ „ | „ 2000.— „ | „ 2500.— „ 2.50 |
| „ „ | „ 2500.— „ | „ 3000.— „ 3.— |
| „ „ | „ 3000.— „ | „ 3500.— „ 3.50 |
| „ „ | „ 3500.— „ | „ 4000.— „ 4.— |
| „ „ | „ 4000.— „ | „ 4500.— „ 4.50 |
| „ „ | „ 4500.— „ | „ 5000.— „ 5.— |
| „ „ | „ 5000.— | 1. ⁰ / ₀₀ dengan dibikin bole |

ka atas sampe mendjadi roepiah.

Oepama sewaän jang besarnja f 5425.50, djadi moesti direken boeat f 6000.— dan pake zegel jang f 6.—

Itoe zegel boleh dipake sama zegel-zegel jang pamerintah ada kaloearken, formaat zegel, kertas jang dizegel, atawa dengan plakzegel.

Memake formaat zegel sama plakzegel, dan make plakzegel lebi dari satoe ada di-idjinken.

Orang jang menjewa, atawa jang menjewaken, jang mana lebi doeloe teeken namanja, diwadajib-

ken moesti teeken djoega di atasnja itoe plakzegel.

Kaloe ada memake banjak plakzegel, moesti ter-teeken dengan tergeret di atas itoe semoea plakzegel.

Satoe-satoc plakzegel moesti ditaroin hari tanggalnja, taon-taon pilihan dari penjewa atawa jang menjewaken, djoega dipandang.

Penjewaän jang maoe di bikin teroes, dan penjewaän boeat selamanja, pembajaran zegel moesti di-itoeng boeat lamanja 10 tahun.

Penjewaän jang tida tentoe brapa lamanja, moesti direken boeat lamanja 20 tahun.

Penjewaän boeat brapa taon jang soeda ditentoein dan seteroesnja sampe ada kabar, aken maoe disamboeng moesti direken brapa taon jang soeda ditetepin, tamba 10 tahun,

Penjewaän sampe brapa tahun jang tentoe, sa-soedanja mati, zegel moesti direken brapa tahun jang soeda berdjalan tamba 10 tahun.

Tjontonja dari itoe peritoengan.

Penjewaän boeat lamanja lima tahun tentoe, berdjalan teroes, aken tida dibrentiken, zegel moesti direken boeat lamanja 15 tahun.

Kaloe sewanja f 100.— seboelannja djadi moesti direken $15 \times 12 \times f 100 = f 18000$.— à $1.0/_{00}$ f 18.—

Ambil penjewa onkos-onkos boeat ia poenja rekening, jang zonder ada perdjandjian apa-apa boeat ianja (seperti: pembajaran verponding dari perceel jang di sewa) djadi moesti ditaksir itoe

onkos-onkos dan itoe djoembla tamba dengan taon-taon sewaän, dan didjadiken satoe, dengan oewang sewaän.

Duplicaatnja dari contract sewa, ada vrij dengan zegel, asal di dalem 3 boelan (sebetoelnja di dalem satoe boelan, sasoedanja sewaän jang permoela berdjaian) doea-doea dari itoe contract moesti dikasi oendjoek pada postkantoor.

Contract-contract jang dibikin di loear negri, dari perceel-perceel atawa roema-roema jang terdiri di bilangan ini negri, moesti di dalem ampat boelan sasoedanja di bikin, di bawa ka postkantoor boeat dizegel lagi, kapan tida aken ilang kekoeatannja.

TARIEFPADJEK DARI Gemeentelijke Inkomstenbelasting.

TJABOETAN DARI PERNIAGA'AN.

4 JANUARIE 1923.

BATAVIA.

Jni padjek dipongoet dari ka'asilan satoe taon :
Padjeknja.


| | | | | | | | | |
|---|------|-----------------|---------------|------|---|------|---|-------|
| f | 1200 | sampe | di | bawa | f | 1260 | f | 1.40 |
| " | 1260 | " | " | " | " | 1320 | " | 1.65 |
| " | 1320 | " | " | " | " | 1380 | " | 1.90 |
| " | 1380 | " | " | " | " | 1440 | " | 2.15 |
| " | 1440 | " | " | " | " | 1500 | " | 2.40 |
| " | 1500 | " | " | " | " | 1560 | " | 2.65 |
| " | 1560 | " | " | " | " | 1620 | " | 2.90 |
| " | 1620 | " | " | " | " | 1680 | " | 3.15 |
| " | 1680 | " | " | " | " | 1740 | " | 3.40 |
| " | 1740 | " | " | " | " | 1800 | " | 3.65 |
| " | 1800 | " | " | " | " | 1860 | " | 3.90 |
| " | 1860 | " | " | " | " | 1920 | " | 4.15 |
| " | 1920 | " | " | " | " | 1980 | " | 4.40 |
| " | 1980 | " | " | " | " | 2040 | " | 4.65 |
| " | 2040 | " | " | " | " | 2100 | " | 4.95 |
| " | 2100 | | | | | | " | 5.45 |
| | | dan boeat saban | | | | | | |
| | | | f 100 di atas | " | | 2100 | | |
| | | | sampe di bawa | " | | 3600 | " | 0.55 |
| " | 3600 | | | | | | " | 13.70 |

| | | | | |
|-------|------------------|-------|----|--------|
| | dan boeat saban | | | |
| | f 100 di atas .. | 3600 | | |
| | sampe di bawa .. | 5400 | .. | 0.65 |
| 5400 | | | .. | 25.40 |
| | dan boeat saban | | | |
| | f 100 di atas .. | 5400 | | |
| | sampe di bawa .. | 7200 | .. | 0.80 |
| 7200 | | | .. | 39.80 |
| | dan boeat saban | | | |
| | f 100 di atas .. | 7200 | | |
| | sampe di bawa .. | 9000 | .. | 0.95 |
| 9000 | | | .. | 56.90 |
| | dan boeat saban | | | |
| | f 100 di atas .. | 9000 | | |
| | sampe di bawa .. | 12000 | .. | 1.10 |
| 12000 | | | .. | 89.90 |
| | dan boeat saban | | | |
| | f 100 di atas .. | 12000 | | |
| | sampe di bawa .. | 14000 | .. | 1.25 |
| 14000 | | | .. | 114.90 |
| | dan boeat saban | | | |
| | f 100 di atas .. | 14000 | | |
| | sampe di bawa .. | 16000 | .. | 1.40 |
| 16000 | | | .. | 142.90 |
| | dan boeat saban | | | |
| | f 100 di atas .. | 16000 | | |
| | sampe di bawa .. | 18000 | .. | 1.55 |
| 18000 | | | .. | 173.90 |
| | dan boeat saban | | | |
| | f 100 di atas .. | 18000 | | |

| | | | | |
|---|-------|------------------|----------|--------|
| f | 20000 | sampe di bawa ,, | 20000 f | 1.70 |
| | | | ,, | 207.90 |
| | | dan boeat saban | | |
| | | f 100 di atas ,, | 20000 | |
| ” | 22000 | sampe di bawa ,, | 22000 ,, | 1.85 |
| | | | ,, | 244.90 |
| | | dan boeat saban | | |
| | | f 100 di atas ,, | 22000 | |
| ” | 24000 | sampe di bawa ,, | 24000 ,, | 2.— |
| | | | ,, | 284.90 |
| | | dan boeat saban | | |
| | | f 100 di atas ,, | 24000 | |
| ” | 26000 | sampe di bawa ,, | 26000 ,, | 2.15 |
| | | | ,, | 327.90 |
| | | dan boeat saban | | |
| | | f 100 di atas ,, | 26000 | |
| ” | 28000 | sampe di bawa ,, | 28000 ,, | 2.35 |
| | | | ,, | 374.90 |
| | | dan boeat saban | | |
| | | f 100 di atas ,, | 28000 | |
| ” | 30000 | sampe di bawa ,, | 30000 ,, | 2.55 |
| | | | ,, | 425.90 |
| | | dan boeat saban | | |
| | | f 100 di atas ,, | 30000 | |
| ” | 33000 | sampe di bawa ,, | 33000 ,, | 2.75 |
| | | | ,, | 508.40 |
| | | dan boeat saban | | |
| | | f 100 di atas ,, | 33000 | |
| ” | 36000 | sampe di bawa ,, | 36000 ,, | 2.95 |
| | | | ,, | 596.90 |

| | | | | |
|---|-----------------|---|-------|-----------|
| | dan boeat saban | | | |
| | f 100 di atas | „ | 36000 | |
| | sampe di bawa | „ | 39000 | f 3.15 |
| f | 39000 | | | „ 691.40 |
| | dan boeat saban | | | |
| | f 100 di atas | „ | 39000 | |
| | sampe di bawa | „ | 42000 | „ 3.35 |
| „ | 42000 | | | „ 791.90 |
| | dan boeat saban | | | |
| | f 100 di atas | „ | 42000 | |
| | sampe di bawa | „ | 45000 | „ 3.55 |
| „ | 45000 | | | „ 898.40 |
| | dan boeat saban | | | |
| | f 100 di atas | „ | 45000 | |
| | sampe di bawa | „ | 48000 | „ 3.75 |
| „ | 48000 | | | „ 1010.90 |
| | dan boeat saban | | | |
| | f 100 di atas | „ | 48000 | |
| | sampe di bawa | „ | 51000 | „ 3.95 |
| „ | 51000 | | | „ 1129.40 |
| | dan boeat saban | | | |
| | f 100 di atas | „ | 51000 | |
| | sampe di bawa | „ | 54000 | „ 4.15 |
| „ | 54000 | | | „ 1253.90 |
| | dan boeat saban | | | |
| | f 100 di atas | „ | 54000 | |
| | sampe di bawa | „ | 57000 | „ 4.35 |
| „ | 57000 | | | „ 1384,40 |
| | dan boeat saban | | | |
| | f 100 di atas | „ | 57000 | |

| | | | |
|---|------------------|-----------|-----------|
| | sampe di bawa ,, | 60000 ,, | 4.55 |
| ” | 60000 | | , 1520.90 |
| | dan boeat saban | | |
| | f 100 di atas ,, | 60000 | |
| | sampe di bawa ,, | 88000 ,, | 4.75 |
| ” | 88000 | | , 2850.90 |
| | dan boeat saban | | |
| | f 100 di atas ,, | 88000 | |
| | sampe di bawa ,, | 16000 ,, | 5.— |
| ” | 116000 | | , 4250.90 |
| | dan boeat saban | | |
| | f 100 di atas ,, | 116000 | |
| | sampe di bawa ,, | 144000 ,, | 5.25 |
| ” | 144000 | | , 5720.90 |
| | dan boeat saban | | |
| | f 100 di atas ,, | 144000 | |
| | sampe di bawa ,, | 172000 ,, | 5.50 |
| ” | 172000 | | , 7260.90 |
| | dan boeat saban | | |
| | f 100 di atas ,, | 172000 | |
| | sampe di bawa ,, | 200000 ,, | 5.75 |
| ” | 200000 | | , 8870.90 |
| | dan boeat saban | | |
| | f 100 di atas ,, | 200000 | 6.— |



PADA KANTOORTJITAK

GOAN HONG & Co.,

TJIONG KOEN LIONG.

Pasar-pisang. BATAVIA. Telefoon No. 1008.

Bisa dapet beli, sagala roepa Oendang-oendang,
Reglement, dan Staatsblad samoea ada
tersalin dalem bahasa Melajoe
hoeroef Olanda seperti:

ATOERAN WEES- en BOEDELKAMAR.

Harga 1 boekoe compleet f 5.— tamba onkost
kirimnja f 0.50.

**ALGEMEENE BEPALINGEN van WETGEVING
en BURGERLIJK WETBOEK.**

Harga 1 boekoe compleet f 3.50 tamba onkost
kirimnja f 0.50.

SALINAN STAATSBLAD 1905.

Harga 2 boekoe f 3.— tamba onkost kirimnja
f 0.50.

SALINAN STAATSBLAD 1906.

Harga 1 boekoe f 1.50 tamba onkost kirimnja
f 0.30.

ATOERAN HOEKOEM. (IMMINK)

Harga 1 boekoe compleet f 5.— tamba onkost
kirimnja f 0.75.

BURGERLIJK WETBOEK BAROE.

Harga 1 boekoe compleet f 9.50 tamba onkost
kirimnja f 1.—

HUURCOMMISSIE ORDONNANTIE.

Harga 1 boekoe compleet f 3.— tamba onkost kirimnja f 0.25.

REGLEMENT BURGERLIJKE STAND.

Harga 1 boekoe compleet f 1.50 dan f 2.—tamba onkost kirimnja f 0.25

REGLEMENT en KEUREN van POLITIE.

Harga 1 boekoe tebal f 5.— tamba onkost kirimnja f 0.65.

KEADILAN HOEKOEM Mr. RHEMREV.

Harga 1 boekoe compleet f 10.— tamba onkost kirimnja f 0.80.

REGLEMENT RECHTERLIJKE ORGANISATIE BAROE.

Harga 1 boekoe compleet f 6.— tamba onkost kirimnja f 0.45.

INLANDSCHE REGLEMENT.

Harga 1 boekoe compleet f 5.— tamba onkost kirimnja f 0.45.

REGLEMENT PERTJA TIMOER.

Harga 1 boekoe compleet f 5.— tamba onkost kirimnja f 0.45.

KOEMPOELAN HOEKOEM LANDGERECHT.

Harga 1 boekoe tebal f 2.50 tamba onkost kirimnja f 0.35

MOTOR REGLEMENT.

Harga 1 boekoe compleet f 1.25 tamba onkost kirimnja f 0.25.